

## CYNLLUN HYFFORDDI

### Rhagymadrodd

Mae Cyngor Cymdeithas Botwnnog wedi ymrwymo i ddarparu lefel o hyfforddiant i'w aelodau a'i staff i'w galluogi i gyflawni eu rôl priodol nid yn unig er lles y Cyngor a'r Gymuned y mae'n ei gwasanaethu, ond hefyd datblygiad personol y cynghorwyr.

### Hyfforddiant

Diffiniad hyfforddiant yw "proses wedi'i chynllunio i ddatblygu galluoedd yr unigolyn ac i fodloni anghenion presennol a dyfodol y Sefydliadau".

Gellir categorioeddio dysgu i'r canlynol:

- Sythweledol – dysgu sy'n digwydd ar hap ac efallai nad ydym yn ymwybodol ohono.
- Achlysurol – dysgu drwy fyfyrion ar ddigwyddiadau neu weithgareddau penodol.
- Ôl-weithredol – dull system o fyfyrion ar weithgareddau a nodi'r hyn a ddysgwyd ganddynt.
- Rhagweithiol – cynllunio i ddysgu o weithgaredd, myfyrion arno a chynllunio i ddefnyddio'r hyn a ddysgom.

Rhagwelir y bydd yr hyn a ddysgwyd gan yr aelodau a'r Clerc yn adlewyrchu llawer o'r uchod.

### Amcanion Hyfforddiant.

Mae amcanion hyfforddi'r Cyngor fel a ganlyn:

- Gwella dealltwriaeth ei aelodau, o'u rôl fel Cyngorydd lleol, y pwerau sydd ar gael i'r Cyngor a sut orau i ddefnyddio'r adnoddau sydd ar gael i'r Cyngor er lles y trigolion y mae'n eu gwasanaethu.
- Darparu'r hyfforddiant angenrheidiol i'r Clerc i sicrhau fod y rôl yn cael ei gyflawni.
- Sicrhau lefel dderbynol o gynllunio olyniaeth er mwyn:
  - Sicrhau y gall y Cyngor weithredu'n effeithiol yn dilyn etholiadau lleol a newidiadau posibl i aelodaeth y Cyngor.
  - Sicrhau y gall y Cyngor barhau i weithredu ar adegau pan na fydd y Clerc ar gael (e.e. gwyliau, salwch, trosiant staff ac ati).

## Hyfforddiant Staff

Pob aelod newydd o staff i ddilyn hyfforddiant dechreuol	Yn ôl yr angen
Y Clerc i gynnal gwerthusiad swydd pob blwyddyn i ganfod anghenion hyfforddi	Yn flynyddol
Anogir staff i wneud y canlynol, a bydd y Cyngor yn darparu cymorth ariannol ar eu cyfer: 1. ILCA - Cyflwyniad i Weinyddu Cyngorau Lleol 2. FILCA - Cyflwyniad Ariannol i Weinyddu Cyngorau Lleol 3. CILCA - Tystysgrif Gweinyddu Cyngorau Lleol	Trwy gydol ei gyflogaeth
Anogir yr holl staff i ddarllen cyhoeddiadau rheolaidd a diweddariadau o'r gwefannau isod: • SLCC • Y Clerc • Un Llais Cymru	Yn fisol

## Hyfforddiant Cyngorwyr

Bydd pob Cyngorydd newydd yn dilyn hyfforddiant ar y 'Cod Ymddygiad' (Modiwl 9) o fewn 6 mis o'i ethol, ac 'Y Cyngorydd' (Modiwl 2) o fewn y flwyddyn gyntaf. Anogir yr Is gadeirydd i fynychu cwrs 'Cadeirio' Modiwl 10.	
Anogir pob Cyngorydd i fynychu cynadledau a digwyddiadau hyfforddi fel sy'n briodol i anghenion a chyfrifoldebau aelodau a Chyngorau.	
Anogir pob Cyngorydd i ddarllen y cyhoeddiadau canlynol ar etholiad i swydd: • Canllaw y Cyngorwydd Da <a href="http://www.unllaicymru.org.uk/OVWeb-CYM/canllaw%E2%80%99r_cyngorydd_da_-16738.aspx">http://www.unllaicymru.org.uk/OVWeb-CYM/canllaw%E2%80%99r_cyngorydd_da_-16738.aspx</a> • Governance and Accountability for local Councils - A Practitioners Guide <a href="http://www.onevoicewales.org.uk/OVWeb/UserFiles/Files/Front%20Page/Governance%20and%20Accountability%20A%20Practitioners%20Guide%20Wales%202019.pdf">http://www.onevoicewales.org.uk/OVWeb/UserFiles/Files/Front%20Page/Governance%20and%20Accountability%20A%20Practitioners%20Guide%20Wales%202019.pdf</a>	

Dyma'r rhestr o hyfforddiant a gynigir yn rheolaidd gan Un Llais Cymru yn rhithiol.

### **Cyrsiau Un Llais Cymru**

#### **Rhaglen Hyfforddiant Genedlaethol ar gyfer Cyngorau Cymuned a Thref yng Nghymru**

##### **Modiwl 1 - Y Cyngor**

- Y Cyngor fel Corff Corfforaethol / Y "Tîm" o Aelodau a Staff
- Rôl y Cyngor / Gweithio gydag Awdurdodau Unedol
- Adeiladu Gwaith Partneriaeth

Yn ystod y cyflwyniad byddwn yn edrych ar y cyngor fel corff corfforaethol, y 'tîm' o aelodau a staff, rôl y cyngor, gweithio gydag awdurdodau unedol, ac adeiladu gwaith partneriaeth gydag ystod ehangach o fudiadau. Erbyn diwedd y cyflwyniad hwn dylai fod gennych ddealltwriaeth dda o'r gwahanol gyfrifoldebau sydd gan gyngorau cymuned a thref ac o'r ffordd y mae eu rôl yn newid wrth wasanaethu cymunedau lleol yng Nghymru heddiw.

##### **Modiwl 2 - Y Cyngorydd**

- Y Cyngorydd a'u Hymrwymiad / Cofrestr o Fuddiannau
- Cod Ymddygiad ac Ymddygiad Moesegol / Swyddogion Monitro a Phwyllgorau Safonau
- Trafod a Gwneud Penderfyniadau / Cynrychioli eich Etholwyr / Codi Pontydd

Yn ystod y cyflwyniad byddwn yn edrych ar y cyngorydd a'u hymrwymiad i swydd cyngorydd, y Gofrestr o Fuddiannau Aelodau, y Cod Ymddygiad a'r ymddygiad moesegol a ddisgwylir gan gyngorydd, rôl y Swyddog Monitro a'r Pwyllgor Safonau, rheolau trafod a gwneud penderfyniadau, sut i gynrychioli eich etholwyr, a'r angen i "godi pontydd" rhyngoch chi, y cyngor a phartïon eraill sydd â diddordeb.

##### **Modiwl 3 - Y Cyngor fel Cyflogydd**

- Contractau Cyflogaeth / Rôl Person

- Recriwtio a Chadw Staff / Disgyblaeth, Achwyniadau ac Apeliadau
- Iechyd a Diogelwch / Hyfforddiant a Datblygiad / Ffynonellau Cyngor

Yn ystod y cyflwyniad byddwn yn edrych ar rôl y cyngor fel cyfogydd. Byddwn yn edrych ar contractau cyflogaeth ac ar sut mae'r rhain yn diffinio'r berthynas gyflogi, y rôl a'r fanyleb person, efallai eich bod yn adnabod y fanyleb rôl fel y 'disgrifiad swydd', recriwtio a chadw staff, beth ddylech wneud os yw pethau'n mynd o'i le, iechyd a diogelwch, ac efallai'n bwysicaf oll cael y gorau allan o bawb er mwyn helpu gwasanaethu eich cymuned leol, trwy hyfforddiant a datblygiad. Mae cyfraith ac arferion cyflogaeth yn faes cymhleth, ac felly'n olaf, byddwn yn gorffen trwy edrych ar rai ffynonellau cyngor.

#### **Modiwl 4 – Deall y Gyfraith**

- Dyletswyddau a grymoedd statudol / Ultra Vires
- Grymoedd Dirprwyo / Deddf yr Iaith Gymraeg
- Y ddyletswydd i hyrwyddo Cyfleoedd Cyfartal / Diogelu Data a Deddf Rhyddid Gwybodaeth / Ffynonellau cyngor

Yn ystod y cyflwyniad byddwn yn edrych ar nifer o ddeddfau a dyletswyddau cyfreithiol sy'n effeithio cynghorau cymuned a thref. Byddwn yn edrych ar ddyletswyddau a grymoedd statudol, egwyddor 'ultra vires', grymoedd dirprwyo, Deddf yr Iaith Gymraeg, y ddyletswydd i hyrwyddo cyfleoedd cyfartal a'r prif statudau a rheoliadau yn y maes hwn, diogelu data a Deddf Rhyddid Gwybodaeth ac yn olaf ffynonellau cyngor.

#### **Modiwl 5 – Cyfarfod y Cyngor**

- Galw cyfarfodydd/Mathau o gyfarfodydd
- Rheolau Sefydlog / Agendau
- Cynnal y cyfarfod /Pasio penderfyniadau / Cofnodi trafodaethau

Yn ystod y cyflwyniad byddwn yn edrych ar wahanol agweddau ar gyfarfodydd cyngor. Byddwn yn siarad am alw cyfarfodydd, y gwahanol fathau o gyfarfodydd gan gynnwys Cyfarfodydd Statudol Blyneddol, Cyfarfodydd Arbennig a Chyfarfodydd Arferol, pwysigrwydd Rheolau Sefydlog, gosod a defnyddio agendau, cynnal y cyfarfod, pasio penderfyniadau, a chofnodi trafodaethau.

#### **Modiwl 6 – Cyllid Llywodraeth Leol**

- Rôl y Swyddog Ariannol Cyfrifol / Canllawiau Cyfrifo a Strategaeth
- Rheoliadau Ariannol ac Aseidiadau Risg / Cyllidebau a Phreseptau
- Archwilio Mewnol ac Allanol / Yswiriant

## • Grymoedd Incwm a Gwariant / Ffyrnollau Incwm Eraill

Yn ystod y cyflwyniad byddwn yn edrych ar yr holl feysydd pwysig o ran goruchwyllo cyllid llywodraeth leol. Byddwn yn edrych ar rôl y Swyddog Ariannol Cyfrifol, rhai o egwyddorion cyffredinol cyfrifo, y prif reoliadau ariannol ac, yn bwysicaf, sut i asesu'r risgiau dan sylw, pennu cyllidebau a phreseptau, rhoi archwiliadau mewnl ac allanol cadarn ar waith, gofynion yswiriant y Cyngor, grymoedd incwm a gwariant y Cyngor, ac yn olaf ffynonellau incwm eraill. Mae hon yn agenda fawr, ac mae rheolaeth ariannol weithiau'n gallu ymddangos yn frawychus, ond nod y sesiwn yw rhoi ichi ddealltwriaeth o fframwaith ariannol y Cyngor, yr wybodaeth graidd y mae angen ichi'i chael, a ffynonellau gwybodaeth fanylach y dylech droi atynt pan mae angen.

### **Modiwl 7 – Iechyd & Diogelwch**

Edrych ar gyfrifoldebau cyfreithiol Cyngorau ac amlygu'r prosesau a'r gweithdrefnau sydd eu hangen er mwyn cydymffurfio.

### **Modiwl 8 – Cyflwyniad i Ymgysylltu Cymunedol**

Nod y modwl rhagarweiniol hwn yw esbonio beth yw ystyr y term 'ymgysylltiad cymunedol' a sut all cyngorau a chynghorwyr wella'r ffordd y maen nhw'n ymgysylltu â'r cymunedau a wasanaethant. Trwy ddefnyddio dull rhyngweithiol, mae'r modwl yn esbonio pam, sut a ble mae cynghorwyr yn ymgysylltu â'u cymunedau ar hyn o bryd. Mae'r sesiwn yn cynnwys trosolwg byr o bolisiau cyhoeddus allweddol ar ymgysylltiad cymunedol ac mae'n trafod prif elfennau a therminoleg ymgysylltiad cymunedol. Mae cyfle i gynghorwyr rannu a dysgu o'u profiad personol a daw'r sesiwn i ben gydag ymarferiad cynllunio ymgysylltiad cymunedol.

### **Modiwl 9 – Cod Ymddygiad**

Modiwl rhyngweithiol iawn a llawn gwybodaeth sy'n galluogi pawb sy'n cymryd rhan i ddeall egwyddorion Nolan ar gyfer bywyd cyhoeddus a datblygu gwybodaeth ddyfnach am y Cod Ymddygiad a sut mae'n berthnasol i gynghorwyr lleol.

Mae'r modiwl yn trafod y canlynol:

Egwyddorion Nolan

Beth ddylai ac na ddylai cynghorwyr eu gwneud

Buddiannau Personol/Rhagfarnol

Rhagbenderfynu & Rhagdueddu

Sut mae'r Cod yn cael ei Blismona

Caiff y dysgu ei atgyfnerthu trwy ymarferion ymarferol ac fe ddangosir DVD o'r Ombwdsmon yn esbonio ei rôl.

### **Modiwl 10 – Sgilliau Cadeirio**

Edrych ar rôl y Cadeirydd ac ar y materion cysylltiol ac amlygu gwahanol ddulliau o gadeirio cyfarfodydd yn effeithiol.

### **Modiwl 11 – Cynllunio ar gyfer Argyfyngau Cymunedol**

Beth mae cynllunio at argyfwng yn ei olygu ichi?

Bydd y cwrs hwn yn rhoi trosolwg o gynllunio at argyfwng a sut mae'n berthnasol i gymunedau.

Bydd yn rhoi gwybodaeth am rôl y prif asiantaethau ymatebol ac yn cynnig darlun o beth all cymuned ei wneud cyn, yn ystod ac ar ôl digwyddiad. Bydd yn rhoi'r cyfle ichi ddelio â sefyllfa y mae cynghorau go iawn yn ei hwynebu.

Felly...

Beth yw cymuned gydnerth? /Sut ddylai cynllun at argyfwng cymuned edrych?

Sut fydddech chi'n gweithio â'r asiantaethau ymatebol? /Bydd y cwrs hwn yn cynnig pwy, pam, beth a phryd cynllunio at argyfwng!

### **Modiwl 12 – Creu Cynllun Cymunedol**

Rhoi'r wybodaeth a'r sgiliau i Gyngorau ar gyfer creu cynlluniau cymunedol a chael gwell dealltwriaeth o strategaeth a blaen gyllidebu.

### **Modiwl 13 – Ymgysylltu Cymunedol Rhan II (Tecnynnau & Thechnegau)**

Rhoi golwg ar y ffordd y gall Gyngorau adeiladu ar ddiulliau o ymgysylltu â'r gymuned a chynnig arweinyddiaeth wirioneddol i helpu eu cymunedau a threfi dyfu a ffynnu.

### **Modiwl 14 – Cydraddoldeb & Amrywiaeth**

Rhoi gwell dealltwriaeth i Gyngorau o gyfraith cydraddoldeb a Deddf yr Iaith Gymraeg a chynorthwyo Gyngorau i hyrwyddo cydraddoldeb ac osgoi gwahaniaethu annheg.

### **Modiwl 15 – Rheoli Gwybodaeth**

Rhoi gwell dealltwriaeth i Gyngorau o'r ddeddfwriaeth sy'n ymwneud â Diogelu Data a Rhyddid Gwybodaeth.

### **Modiwl 16 – Defnyddio TG, Gwefannau & chyfryngau cymdeithasol**

Rhoi mwy o wybodaeth i Gyngorau am fanteision ymestyn at eu cymunedau trwy gyfathrebu electronaidd.

### **Modiwl 17 – Gwneud Ceisiadau Grant Effeithiol**

Galluogi Cyngorau i gael gwell dealltwriaeth o'r mathau o gynlluniau grantiau sydd yn gael ac i allu paratoi ceisiadau effeithiol i gefnogi prosiectau cyfalaf.

### **Modiwl 18 – Rheoli Eich Staff**

Rhoi golwg ar y ffyrdd y gall Cyngorau drefnu ar gyfer rheolaeth effeithiol ar eu staff.

### **Modiwl 19 – Datganoli Gwasanaethau / Trosglwyddo Asedau Cymunedol**

Mae datganoli gwasanaethau yn fater pwysig yng Nghymru ar hyn o bryd, ac mae'r heriau a'r cyfleoedd mae'n eu creu yn fater sydd neu a fydd o bwys i'r rhan fwyaf o gyngorau cymuned a thref.

Mae'r modiwl hyfforddiant yn cynnig profiad hynod ryngweithiol i gynghorwyr a chlercod ac mae'n cynnwys y meysydd allweddol canlynol:

- Modelau ar gyfer trosglwyddo asedau
- Deall materion les a throsglwyddo rhydd-ddaliadau
- Modelau ar gyfer a dynesiadau tuag at Ddatganoli Gwasanaethau
- Symbyliadau Polisi / Cyfleoedd, Peryglon a Deilliannau wedi'u Cynllunio
- Trefniadau Diwydrwydd Dyladwy / Cyfrifoldebau Rheoli Asedau
- Rôl bwysig cynghorwyr / Dulliau Ymgysylltu â'r Gymuned

### **Modiwl 20 – Deddf Llesiant Cenedlaethau'r Dyfodol 2015 / Cynaliadwyedd**

Bydd y cwrs yn esbonio egwyddorion datblygu cynaliadwy ac yn cysylltu'r egwyddorion hyn ag anghenion a dyheadau'r cymunedau rydych yn eu gwasanaethu, adnabod polisiau perthnasol (e.e. Deddf Llesiant Cenedlaethau'r Dyfodol 2015) a'u cysylltu â grymoedd a dyletswyddau cyngorau lleol, gan sicrhau eu bod yn barod i arwain proses o gynllunio ac adrodd ar ddatblygu cynaliadwy.

### **Modiwl 21 – Deall Cyllid Llywodraeth Leol – Uwch**

Anelir y cwrs hwn at adeiladu ar y wybodaeth a gasglwyd o fynychu Modiwl 6 Cyllid Llywodraeth Leol. Bydd yn apelio'n arbennig at Gadeiryddion, pobl sy'n gwasanaethu ar Bwyllgorau Cyllid ac at unrhyw gyngorydd sydd eisiau dysgu mwy am y fframwaith llywodraethiant ac atebolrwydd y mae disgwyl i gyngorau weithredu oddi fewn iddo.

Mae'r modiwl hwn yn cynnwys y meysydd canlynol:

- Llywodraethiant ac Atebolrwydd / Rolau a Chyfrifoldebau

- Y Datganiad Llywodraethiant Blynyddol / Y Datganiad Cyfrifon
- Adolygu Rheolyddion Mewnol / Cydymffurfio â'r Gyfraith
- Hawliau Etholwyr / Rheoli Risg
- Archwiliadau Mewnol / Rhwymedigaethau ac Ymrwymadau
- Cronfeydd Ymddiriedolaeth / Cronfeydd wrth gefn a darpariaethau / Buddsoddiadau

### Modiwl 22 – Deall Cyfryngu

Darparu dealltwriaeth o berthnasedd ac effeithiolrwydd dulliau cyfryngu a chymodi wrth drin cwynion Cod Ymddygiad lefel isel ac yng nghyswllt materion cyflogaeth.

### Modiwl 23 Derbyn Trosglwyddiad Aged Cymunedol yn Llwyddiannus

Darparu dealltwriaeth o'r ffyrdd mwyaf effeithiol o drefnu trosglwyddiad ased cymunedol llwyddiannus.

## RHESTR CYMWYSEDDAU CYNGHORWYR

Gofyniad	Gwybodaeth a Sgiliau	Ymddygiadau Effeithiol
Deall rôl y Cyngorydd	Graddfeydd a chyfyngiadau cyfrifoldebau unigol Cynghorwyr, a phwerau a chyfrifoldebau'r Cyngor fel corff corfforaethol yn gyfreithiol.	Cyflawni rôl yr aelod yn effeithiol yn y Cyngor, y gymuned a gyda phartneriaid. Mae'n deall y gwahaniaeth rhwng rôl aelod unigol a'r Cyngor yn gyffredinol ac mae'n sicrhau y caiff y ddealltwriaeth hon ei hadlewyrchu yn eu gwaith.
Deall ar ba sail gyfreithiol y mae'r Cyngor yn darparu gwasanaethau i'r gymuned	Dealltwriaeth o'r gwasanaethau a ddarperir a'r gyfraith, polisiau, gweithdrefnau, cynlluniau a strategaethau a ddefnyddir i lywio gwaith y cyngor.	Gall ddisgrifio gwaith y cyngor i'r cyhoedd ac mae'n cyfrannu at ddatblygiad gwaith y cyngor.
Deall y system gynllunio	Dealltwriaeth o gyfraith cynllunio, y broses rheoli datblygu a phwysigrwydd y cynllun datblygu lleol. Byddai'n ddefnyddiol hefyd i gynghorwyr ddeall pwysigrwydd cynlluniau bro neu gymuned yn y cyd-destun hwn.	Gall asesu ceisiadau cynllunio o ran ystyriaethau perthnasol, perthnasedd nodiadau cyngor technegol, y cysylltiad gyda'r cynllun datblygu lleol a bydd yn meddu ar ddealltwriaeth o Adran 106 a chyfraniadau ardoll seilwaith cymunedol gan ddatblygwyr.



<b>Ymddygiad</b>	Dealltwriaeth o'r fframwaith moesegol sy'n rheoli gwaith cynghorwyr, ac yn benodol felly'r cod ymddygiad. Gwerthfawrogiad o bwysigrwydd atebolrwydd, integriti a thryloywder a bod yn agored.	Mae'n cadw at y cod ymddygiad yn ddiwahân, mae bob tro'n datgan buddiannau lle'n briodol, mae'n gofyn am gyngor gan y Swyddog Priodol pan fo angen, mae bob tro'n trin eraill â pharch, mae'n dangos integriti, mae'n gwerthfawrogi eraill ac nid yw byth yn bwlio cyngorydd arall na gweithwyr, mae'n gwrrando ac mae'n cadw ei bwyll/phwyll mewn sefyllfaoedd anodd.
<b>Cydraddoldeb ac Amrywiaeth</b>	Sgiliau personol wrth ddangos parch at eraill waeth beth yw eu rhyw, hil, crefydd, oed, anabledd, ailbennu rhywedd, priodas a phartneriaeth sifil, beichiogrwydd a mamolaeth neu gyfeiriadedd rhywiol. Dealltwriaeth o gyfraith Cydraddoldeb ac Amrywiaeth yng nghyd-destun gwaith y cyngor a rôl y cyngorydd. Dealltwriaeth o'r angen am ymddygiad parchus at eraill a beth yn union mae hynny'n ei olygu.	Mae'n arddangos gwerthoedd cydraddoldeb yn ei h/ymddygiad personol ac ym mhenderfyniadau'r cyngor. Mae'n gweithredu deddfwriaeth gydraddoldeb berthnasol ac yn arddangos gwerthoedd cydraddoldeb yn ei h/ymddygiad personol ac ym mhenderfyniadau'r cyngor. Mae'n trin pawb â pharch yn ddi-wahân wrth weithredu fel cyngorydd, boed yn y cyngor, yn y gymuned neu mewn grŵp gwleidyddol.
<b>Llywodraethiant ac Atebolrwydd Ariannol</b>	Dealltwriaeth o'r broses archwilio mewnol ac allanol.	Mae'n ymgysylltu'n effeithiol gyda'r prosesau archwilio, arolygu a rheoleiddio o fewn y cyngor, ac mae'n defnyddio'r wybodaeth hon i gynnig her a chefnogaeth adeiladol i reolaeth ariannol y cyngor.
<b>Mynychu cyfarfodydd a digwyddiadau eraill a drefnir a pharatoi ar eu cyfer</b>	Dealltwriaeth o bwysigrwydd mynychu cyfarfodydd yn rheolaidd a chyfrannu atynt a'r angen i baratoi'n effeithiol ar gyfer cyfarfodydd.	Mae'n mynychu cyfarfodydd a digwyddiadau yn rheolaidd ac yn rhoi blaenoriaeth i wneud hynny. Mae'n gofalu ei fod/bod yn darllen yr holl bapurau a gynhwysir gydag agendau'r cyngor cyn y cyfarfod.
<b>Rheoli Gwybodaeth</b>	Dealltwriaeth o wybodaeth a data a'r gallu i'w dehongli. Gall drin data yn y fformat a ddarperir gan y cyngor. Dealltwriaeth o'r diffiniad o gyfrinachedd ac o sut i drin gwybodaeth gyfrinachol - dealltwriaeth o ofynion cyfreithiol deddfwriaeth Diogelu Data a Rhyddid Gwybodaeth.	Mae'n derbyn gwybodaeth a data o ffynonellau amrywiol a gall ei storio, ei rannu a'i ddefnyddio'n effeithiol a lle y bo modd yn electronaidd. Nid yw'n cadw cofnodion am bobl heb ofyn am eu cydsyniad. Mae'n ymateb yn brydlon a phriodol i geisiadau Rhyddid Gwybodaeth. Nid yw'n dosbarthu na rhannu gwybodaeth gyfrinachol neu gyfyngedig.

<p><b>Defnyddio TGCh a chyfryngau cymdeithasol</b></p>	<p>Mae'n ceisio datblygu sgiliau yn holl becynnau 'Office' megis prosesu geiriau, cyflwyniadau a thaenlenni ac mae'n cyflawni gwaith y cyngor yn electronaidd. Mae'n deall polisi cyfryngau cymdeithasol y cyngor.</p>	<p>Mae'n cyfathrebu gyda'r Clerc ac aelodau eraill yn electronaidd a thrwy gyfryngau cymdeithasol lle'n briodol.</p>
<p><b>Gweithio gyda'r Clerc a gweithwyr eraill</b></p>	<p>Dealltwriaeth o rôl y Clerc a gweithwyr eraill yn gyffredinol ac o'r 'rheolau' y mae angen iddynt eu parchu. Sgiliau bod yn gyflogydd corfforaethol. Dealltwriaeth o'r broses benodi ac o sgiliau cyfweld.</p>	<p>Mae'n cynnal perthasoedd proffesiynol gyda gweithwyr gan gydnabod ffiniau priodol a chadw at y Protocol Aelod Swyddog (os cafodd un ei fabwysiadu). Mae'n gweithredu'n aelod effeithiol o banel penodi, gan ddefnyddio egwyddorion Adnoddau Dynol ac egwyddorion cydraddoldeb ac amrywiaeth cadarn i sicrhau'r ymgeisydd gorau.</p>
<p><b>Iechyd a Diogelwch</b></p>	<p>Dealltwriaeth o ddeddfwriaeth Iechyd a Diogelwch yng ngwaith y cyngor. Dealltwriaeth o sut i asesu risgiau a sicrhau diogelwch personol ac eraill.</p>	<p>Mae'n hyrwyddo a sicrhau iechyd a diogelwch pawb yn y cyngor. Mae'n gofalu am ei d/diogelwch personol ei hun wrth weithio yn y cyngor a phan mewn grwpiau neu ar ei b/phen ei hun yn y gymuned.</p>
<p><b>Datblygiad proffesiynol a phersonol parhaus</b></p>	<p>Y gallu i adnabod anghenion datblygu personol ac i gymryd rhan mewn gweithgareddau datblygu.</p>	<p>Mae'n cynnal adolygiadau datblygiad personol rheolaidd, gan roi ystyriaeth i ddisgrifiadau rôl a fframweithiau cymhwysedd. Mae'n cymryd cyfrifoldeb am ddatblygu sgiliau a gwybodaeth bersonol, mae'n mynychu gweithgareddau dysgu a datblygu ac yn chwilio am ddeilliannau diriaethol.</p>
<p><b>Galluedd Ariannol</b></p>	<p>Dealltwriaeth o'r ffordd y caiff cynghorau a gwasanaethau eu hariannu. Dealltwriaeth o bennu cyllidebau a sgiliau gwneud hymny. Galluedd ariannol personol.</p>	<p>Mae'n chwarae rhan effeithiol yn y broses o bennu'r gyllideb. Mae'n fodlon gwneud penderfyniadau anodd yn seiliedig ar dystiolaeth. Mae'n arddangos sgiliau rhifedd wrth ddechongli data a gofyn cwestiynau.</p>
<p><b>Datblygu Cynaliadwy</b></p>	<p>Dealltwriaeth o faterion sy'n effeithio ar genedlaethau'r dyfodol megis iechyd a llesiant, sicrwydd ariannol a'r amgylchedd.</p>	<p>Mae'n cymryd penderfyniadau yn seiliedig ar anghenion cenedlaethau'r dyfodol yn ogystal â'r boblogaeth ar y pryd.</p>
<p><b>Arweinyddiaeth Leol</b></p>	<p>Gwybodaeth am grwpiau ac arweinyddion cymunedol. Dealltwriaeth o faterion a phryderon cymunedol. Y gallu i geisio barn yr holl bartion</p>	<p>Mae'n deall anghenion y gymuned leol ac mae'n sicrhau bod y cyngor yn ymateb a gweithredu ar ran pobl leol. Mae'n cyfathrebu'n effeithiol â'r gymuned, unigolion a'r cyngor er mwyn sicrhau ymgysylltiad a dealltwriaeth pawb perthnasol.</p>

	<p>perthnasol. Dealltwriaeth o rôl a swyddogaethau prif gyngor.</p>	
<p><b>Cadeirio</b></p>	<p>Dealltwriaeth o brotocolau cyfarfodydd ac o reolau trafodaethau. Y gallu i reoli'r agenda, cyfraniadau ac amser. Cadeirio clir ac awdurdodol, gan weithredu'r rheolau ac annog cyfranogiad teg. Rheolaeth o'r agenda trwy gyflwyno eitemau, crynhoi'r drafodaeth, ffocysu ar ddeilliannau a chyfyngu ar gyfraniadau nad ydynt yn cyfrannu at y deilliannau.</p>	<p>Mae'n gofalu fod y cyhoedd yn teimlo eu bod yn cael croeso, a'u bod yn deall pwrpas y cyfarfod a sut allant gyfrannu iddo. Mae ganddynt ymrwymiad i alluogi holl aelodau pwyllgor i ddatblygu sgiliau a chyfrannu'n effeithiol at gyfarfodydd. Mae'n meithrin perthynas gyda'r Clerc i sicrhau bod gwaith y cyngor/pwyllgor yn berthnasol, gwybodus a'i fod yn darparu'r deilliannau angenrheidiol.</p> <p>Datblygu a rheoli'r rhaglen waith</p> <p>Dealltwriaeth o'r materion sydd o fewn cylch gorchwyl pwyllgor ac o'u perthynas gyda pholisiau'r cyngor yn gyffredinol a rolau pwyllgorau eraill. Gall ddatblygu rhaglen waith gytbwys ar gyfer y pwyllgor ynghyd â chylch gorchwyl a deilliannau clir ar gyfer unrhyw is-grwpiau. Mae'n gweithio gyda'r Clerc ac aelodau pwyllgorau i ddatblygu'r cynllun gwaith, gan roi ystyriaeth i waith pwyllgorau eraill. Mae'n sicrhau bod y rhaglen waith yn rhoi ystyriaeth i gynlluniau a pholisiau cenedlaethol, rhanbarthol a lleol ynghyd ag amcanion datganedig y cyhoedd am wasanaethau.</p> <p>Mae'n gofalu fod y pwyllgor yn rhoi ystyriaeth hefyd i arolygiadau neu adroddiadau gan gyrrff archwilio, arolygu a rheoleiddio.</p>
<p><b>Arweinyddiaeth Ddinesig</b></p>	<p>Dealltwriaeth fanwl o reolau sefydlog a rheolau cyfarfodydd, Cadeiryddiaeth effeithiol ar gyfarfodydd y Cyngor Llawn,</p>	<p>Mae'n arddangos sgiliau cyfathrebu, rhyngpersonol a chymdeithasol o'r radd flaenaf. Cynrychioli'r cyngor mewn digwyddiadau dinesig, Y gallu i reoli enw da'r cyngor. Sgiliau siarad cyhoeddus. Sgiliau rheoli perthnasoedd.</p>

# CLERCOD (Dirprwyon a Chlercod Cynorthwyol)

(Cymerir y rhain o arweiniad portffolio CILCA)

Mae'n deall rolau, cyfrifoldebau a dyletswyddau'r cyngor a'r unigolion sy'n rhan o waith y cyngor.

Gall wneud ymchwil fel bod gan y cyngor ddigon o wybodaeth ar gyfer gwneud penderfyniadau.

Gall reoli'r broses o weithredu penderfyniadau y mae'r cyngor yn gyfrifol amdanynt.

Gall drefnu a chynnal systemau, prosesau, polisiau a chofnodion gweinyddol effeithiol.

Gall ddefnyddio amrywiol sgiliau cyfathrebu ysgrifenedig a llafar gan gynnwys defnyddio technoleg gwybodaeth a chyfathrebu.

Gall gynghori'r cyngor ar ei ddyletswyddau a'i rymoedd.

Gall ofalu fod yr holl ofynion statudol yn cael eu cyflawni gan gynnwys cyfraith cyflogaeth, Iechyd a Diogelwch, Rhyddid

Gwybodaeth.

Diogelu Data a Chydraddoldeb.

Gall sefydlu gweithdrefnau priodol a chyfreithlon ar gyfer rheoli cyfarfodydd y cyngor a'i bwyllgorau.

Gall gynghori'r cyngor ar ofynion statudol a gweithdrefnau eraill ar gyfer cynnal hyder y cyhoedd yn y cyngor.

Gall gynghori'r cyngor ar gynllunio ac adroddiadau ariannol gan gynnwys paratoi ac adolygu cyllidebau, rheoli risgiau i arian cyhoeddus a cheisiadau am arian.

Gall sicrhau cydymffurfiaeth ag arferion ariannol cywir gan gynnwys cyfrifon, rheoliadau ariannol, prosesau archwilio, TAW a chaffael.

Gall gefnogi'r cyngor i gynllunio, rheoli, ariannu ac adolygu prosiectau, gwasanaethau, asedau a chyfleusterau.

Gall reoli cyflogaeth perfformiad a datblygiad staff y cyngor./ rheoli perthnasoedd effeithiol gyda chontractwyr a defnyddwyr gwasanaeth.

Gall gynghori'r cyngor ar ei berfformiad fel corff corfforaethol gan sicrhau bod cynghorwyr yn cael cyfleoedd hyfforddiant a datblygiad.

Gall gynghori a chefnogi'r cyngor wrth i iddo gytuno a gweithredu cynlluniau a chyfer dyfodol y gymuned y mae'n ei chynrychioli.

- Gall reoli a gweinyddu cyfranogiad y cyngor yn y system gynllunio yn unol â chyfraith, polisiau a gweithdrefnau cynllunio ar y pryd.
- Gall ddangos ymwybyddiaeth o bob agwedd ar y gymuned a wasanaethir gan y cyngor, gan gydnabod a pharchu buddiannau gwahanol a galluogi cydlyniant.
- Gall helpu rhoi cyfleoedd i aelodau'r gymuned i ddylanwadu ar benderfyniadau sy'n effeithio eu bywydau.
- Gall hwyluso ymgysylltiad y cyngor â'r gymuned, gan reoli cysylltiadau â'r cyhoedd a gofalu fod y cyngor yn gweithredu'n dryloyw ymhob agwedd ar ei waith.
- Gall reoli gwaith partneriaeth effeithiol/ Gall gynghori a chefnogi'r cyngor wrth iddo hwyluso gweithgarwch cymunedol.

## CYNLLUN HYFFORDDIANT BOTWNNOG

### Llofnodwyd gan:



Cadeirydd: ..... Clerc: *Gwenda Lober*.....

Dyddiad: ..... 09 Mai, 2023.....

Dyddiad y'i cymeradwywyd gan y Cyngor 9fed Mai, 2023

Dyddiad yr Adolygiad Cynfaf a Drefnwyd 13eg Mai, 2024

*Paratowyd y cynllun hyfforddiant hwn yn unol ag Adran 67 Deddf Llywodrnych Leol ac Etholiadau (Cymru) 2021*

Paratowyd y cynllun hyfforddiant hwn yn seiliedig ar ganllawiau a gyhoeddwyd gan Un Llais Cymru a Chymdeithas Clercod Cynghorau Lleol. Cafodd rolau cynghorwyr a rolau gweithwyr eu hasesu trwy gyfeirio at set o gymwyseddau craidd ar gyfer pob rôl. Mae'r asesiad hwn wedi galluogi'r Cyngor i flaenoriaethu ei adnoddau er mwyn sicrhau bod pob rôl o fewn y Cyngor yn cael eu cefnogi trwy agwedd drwyadl at ei

anghenion hyfforddiant a datblygu. Bydd yr ymrwymiad sydd yn y cynllun hyfforddiant hwn yn cynorthwyo'r Cyngor i wella'r ffordd y mae'n darparu gwasanaethau o ansawdd uchel i'w gymuned. Caiff y cynllun ei adolygu o leiaf yn flynyddol i sicrhau ei fod yn parhau'n addas a'i fod yn darparu ar gyfer anghenion newidiol cynghorwyr a gweithwyr yn ogystal ag unrhyw drosiant o ran cynghorwyr neu weithwyr.

Rôl	Hyfforddiant a drefnir yn 2023/24	Hyfforddiant a drefnir yn 2024/25	Hyfforddiant a drefnir yn 2025/26	Hyfforddiant a drefnir yn 2026/27	Hyfforddiant a drefnir yn 2027/28

Cynhwyswch isod unrhyw sylwadau penodol am sut gaiff yr hyfforddiant ei drefnu neu sut yr eir i'r afael ag anghenion eraill trwy ddulliau eraill e.e., mynychu cynadledau neu ddigwyddiadau

**AMCAN GOSTAU'R HYFFORDDIANT YMHOBLWYDDYDYN GYNGOR** (I'w cynnwys yn y gyllideb flynyddol ar gyfer pob un o'r bum

mlynedd nesaf):

(Dylai'r tabl hwn gynnwys y swm yng nghyllideb gyfredol 2022/23)

Blwyddyn	Y swm i'w gynnwys yn y gyllideb ar brisiau 2023 (£)	Sylwadau
2023/24		
2024/25		